

Ahli akademik perlu jujur, telus dan terbuka

UB 17/08/2011 B12

AHLI akademik perlu menjalankan tugas dengan jujur, telus, terbuka dan tidak menggunakan hasil sesuatu penemuan atau teori milik orang lain tanpa merujuk nama mereka.

Timbalan Naib Canselor (Akademik dan Anatarabangsa), Universiti Malaysia Sabah (UMS), Prof Dr Amran Ahmed berkata untuk merealisasikan tugas mereka sewajarnya sentiasa bertindak dengan tepat, teliti dan cermat.

Katanya, ahli akademik juga perlu berlaku adil terhadap pendapat dan buah fikiran orang lain serta mengelak daripada berat sebelah terhadap anak didik mereka.

Tambahnya, mereka seharusnya terbabit dengan lima bidang utama iaitu pengajaran, penerbitan, penyelidikan, perundingan dan khidmat masyarakat.

Dr Amran berkata sebagai pendidik, mereka mengendalikan kuliah, tutorial, merancang dan mengendalikan demonstrasi makmal, merancang dan mengendalikan kerja lapangan.

"Ahli akademik menyelia latihan industri, latihan mengajar, menilai kursus, menyelia latihan tesis dan tugas berkaitan pengajaran yang dapat

meningkatkan mutu tugas mereka," katanya ketika menyampaikan taklimat Etika Akademik di Bilik Kuliah, UMS Kampus Antarabangsa Labuan (UMS-KAL), kelmarin.

Turut hadir Pengarah UMS-KAL, Prof Madya Dr Shariff Abdul Kadir Omang, Dekan Sekolah Sains Informatik Labuan (SSIL), Dr Ag Asri Ag Ibrahim, Pemangku Dekan



HADIRIN ... Ketua-ketua Bahagian turut memberikan sokongan kepada program Bahagian Perkhidmatan Akademik.

Sekolah Perniagaan dan Kewangan Antarabangsa Labuan (SPKAL), Prof Madya Dr Norazah Md Suki dan Ketua Bahagian Perkhidmatan Akademik, Roslan Gimba.

Hadir sama ketua-ketua bahagian, pensyarah dan kakitangan Bahagian Perkhidmatan Akademik.

Dr Amran mahu ahli akademik menunjukkan mereka seorang yang berilmu dengan mempamerkan nilai dan etika yang baik kepada orang lain termasuk pelajar dan masyarakat setempat.

Sehubungan itu, beliau menasihatkan pensyarah mengelakkan diri daripada terlibat dengan aktiviti yang mampu menjelaskan profesion ahli akademik dan nama baik UMS kerana tingkah laku mereka diperhatikan orang ramai.

"Mereka harus bersikap profesional ketika berhubungan dengan

CERIA ... Amran (dua kanan) menerima cenderamata daripada Shariff diperhatikan Ag Asri (kanan), Norazah (kiri) dan Roslan (dua kiri).

penduduk tempatan dalam urusan akademik seperti semasa melakukan latihan amali dan kerja lapangan, " katanya.

Pada masa sama, Dr Amran menyarankan ahli akademik supaya menjalin hubungan profesional yang tulen dengan

rakan sejawat mereka, hormat- menghormati dan saling melengkapi bagi meningkatkan lagi martabat kerjaya dan tugas serta tanggungjawab yang diamanahkan terhadap mereka.

Selain itu, beliau mahu ahli akademik

meningkatkan prestasi akademik masing-masing ke tahap lebih tinggi agar kerjaya mereka lebih dihormati terutama ketika berhadapan dengan pelajar di bilik kuliah dan semasa membentangkan kertas kerja berkaitan bidang masing-masing.

